

**TAKƏLAYA KANCAALAYA NYEJKA
NKA POCOLUNMAAWA
TIMOTEE
Tɔ
Kutulu**

Timotee caa ke Kəleekı tu ké na i too ké Yuta tu. Timotee pəsa Pəəlı waali tu na i təŋəyɪ-ı Laapaali Kupan̄ cəənau taa. Pəəlı ɻmaawa Timotee ke takəlaya sí i caya Ifeesu na i seyəsəyɪ Iso seelaa na i tasəyɪ-weyə apalutu. Takəlaya kane ka taa we layatu tasuyu na Yesu seelaa kpeka paasənau təm. Pəəlı tuwa Timotee sí i nyəəna Iso Təm na i paasəna Iso Təm seyəsuyu.

Isəna pa faya Timotee I takəlaya tə:

Isəna paa paasəna Iso yələaa kpekəle tə, titite 1–3

Isəna Timotee ka la i təma tə, titite 4–6

Seyət

¹ Maya Pəəlı, Yesu Kilisiti tillu. Tá Yatv Iso na Yesu Kilisiti wei tə teeləyɪ tə mpe pa kpana-m sí má la tillu.

² Má ɻmaakəna takəlaya kaneγə Timotee. Nyá kəna ma pəyaγa təsiyisiyi ké Iso seeu taa. Tacaa Iso na tá Səsə Yesu Kilisiti pá hul-ŋ pəelee na suulu na pá ha-ŋ alaafəya.

Pəpətu seyəsəy

³ Ma teekaya Masetoni na má heeli-ŋ sí n̄ saali Ifeesu tə, saali m̄puyú təna, na n̄ heeli pa taa mpa iní tə sí pá taa seyəsí pa pəpətu seyəsəy. ⁴ Heeli-wε sí pá yele ləŋ taa təmnaa mpa pa təkaa tə, na hatuu ləŋ taa ləlvuyu loosi nsi pa taməyɪ tə. Təle tə kəŋna

ntəŋkpeesaya ke yem kέ, tu kusəyɪ yapu təm nti Isə suwa na í laki tə. Yulu teŋ i taa na Isə kέ na pέcō í nyɪ pəle pə təm. ⁵ Ma tu-weyę mپúyú sɪ pá wəena lotu kvlvmtv, na pá təŋəyɪ siyisuyu, na pá té Isə na pa taa kέ teu, na pá lá na pá wəena səəlvu. ⁶ Lelaa yela yaasi kupaŋ ineyę təkvu, na pá tooli na pá svu kumeləntəŋkpeesaya taa kέ yem. ⁷ Pa luki yem sɪ mpreyelę Isə kusəsutu seyəsəlaa, pəyele paa cəkəyəna pa mayamaya pa kuyɔyətutu. Pa ta cəkəna mpi mpi pə təm pa tu yəyətəyɪ mpu na apalutu tə.

⁸ Tə nyəmá sɪ ye n təŋa Isə kusəsutu ke teitei isu tə wev tə, tə we teu kέ. ⁹ Na pi təəsi-ŋ sɪ kusəsutu fei nti pə paasaa na pə su kvpantv lataa təo tə. Ama isayalataa, na kaanutvnaa, na nyəŋ nyəma, na kawalaya nyəma, na mpa paa seeki Isə na paa seeki i nyəm tə, na mpa pa kuyɪ pa caanaa yaa pa toonaa tə, na yulvkulaa, ¹⁰ na apalaa mpa pa svukəna apalaa lelaa tə, na yulvpeetəlaa, na pəpətunaa, na mpa pa suki pa nəəsi ke yem tə, yaa mpa pa takəyɪ ntiwe tə ta təŋ seyəsuyu kupaŋku ᱥku ku waasəyɪ yəlaa tə, pa təənaa ke pa su kusəsutu. ¹¹ Laapaalı Kvpantv wei pə yelina-m tə inu i seyəsəyəna seyəsuyu kune. Teeli Isə na kvpantv tu təo Laapaalı Kvpantv nté.

Isə kvpantv

¹² Tacaa Yesu Kilisiti wei i ha-m toma ke səsəm na má lakəna ma təmle təyə ma səe í na təmle. I tənəv má sɪ ma nəyəsəna pá te-m na taa, na í kpa-m sɪ má la təmle tə, ma səe-i í na təmle. ¹³ Tuu ləŋ má yəyətəyana isayatu ke i təo, na má tənə-ı konyəŋ, na má tən-ı. Ama Isə wii ma pətəətələ. Pə taya pəlv, ma taa té ma taa na Isə təyə ma ta nyɪ ma kvlaputu nti. ¹⁴ Tacaa hvla-m i pəelée ke səsəm, na i lapa na má teŋ

ma taa na Isə na má səələy়i yəlaa ɪsü tə kpəntənaav Yesu Kilisiti na tə wena tə. **15** Təm nti tə kék tampana nyəntu təkelekele na tā muṇa pá mu-ti təkpem na pá te-ti na taa təyəle si: Yesu Kilisiti kəma antulinya taa si i yakı isayalataa nyəəŋ, na mayale pa taa acəpa. **16** Pə təo kék Isə wii ma pətəətəle, inu i səələna si Yesu Kilisiti i hólí isayalataa taa acəpa maya i suulu təna, na pu hólí waali nyáma mpa paa te na pá mu i təm na pá hiki weesuyu ke tam təo tə si pá nyəyəna-m na pá ná. **17** Aaa, Kawulaya tv, inu i wənna tam təo, u səki, paa naa-i, i tike təkoŋ nté Isə. Yəlaa təna i sami-i na pá təyən-i teeli ke tam təo. Ami.

18 Təv, ma pu Timotee, Isə ka lapa hatuu ləŋ na pá ná nyá təm nti na pá yəyəti təyə ma təkaa na má kpaaləy়i-ŋi isəntə, si n̄ təki təmnaa mpey়e teu, na n̄ paasi na n̄ yoo yoou ke teu. **19** N̄tema Isə na nyá taa tə təki mpu na n̄ weenə lotu kvlvmtv. Lelaa tā təki lotu kvlvmtv ilena pa Isə seeu pəsi yem. **20** Pa taa mpey়e na Himenee na Alekəsantəli. Satanı ke ma yilina-wə si i la-wə na pəcō pá nyi si pa yəyətuvu isayatu ke Isə təo tə pə fəi teu.

2

Isə sələmnyu

1 Təv, kancaalaya ilə, nti ma təyə-mə si i la təyəle si i təkəy়i Isə kék niŋ ke yəlaa təna təo, na i sələməy়i-pa təo, na i wiikina-i pa təo, na i seeki-i i na təmle ke pa təo. **2** I sələməi Isə kék awulaa səsaa na tonjtvnaa təna təo, ilena tā pəsi na tē caya təpamm na alaafəya na té paasəna Isə nyəntu ke teu, na té təka tā yaasi kvpən. **3** Nti tə mayamaya tə kék tā Yatv Isə luŋu təe nyəntu na tə wə-i teu təyəle. **4** Inu i caana si pə ya yəlaa təna

nyoəŋ, na pé lá na pá nyi tampana. ⁵ Pə taya pulv, Isə kvlvm tike təkoŋ wenna, na Isə na yəlaa pa həkv taa sənlv ke kvlvm kék, inəyəle yvlu wei pa yaa sı Yesu Kilisiti tə. ⁶ Ilé i hana i tı na í feli na pé ce yəlaa ke pa yomle. Waatv wei paa tuwa təyə i kəma, na í hólí sı tampana Isə caa kék sı pé ya yəlaa təna nyooŋ. ⁷ Pə mayamaya pə təo kék pə kpa-m pə təm heellu na tillu, na pé tu-m sı má seyəsəyı mpa pa ta ke Yuta nyáma təyə Isə sseeu mpaav na tampana pə təm. Tampana ke ma yəyətəyı, maa looliyi.

⁸ Pə təo kék ma caa sı paa timpiyi apalaa sələməyı Isə, pá tiyisi Isə kék niŋ, na pá sələməna lotu kvlvmtv, na pááná yaa yoou í taa wee.

⁹ Ma caa təo sı alaa í təyələyı pa wontu ke isəna pə muṇa pá təyələyı tə, pá taa la isəcav na pá suli mpəle teləsuyu. Pá taa tiyiliyina nyooſi taγanuyu katatəlaya, yaa wvlanaa na lutv pə tuγv, yaa liyitee pəoŋ təyəluyu sı pá te. ¹⁰ Ama lakası kvpaŋsi ke paa tiyilina isu lakası nsiwe sı muṇna alaa mpa pa təŋ sı pa seeki Isə tə. ¹¹ Ye pa seyəsəyı, pə wee kék sı alv í su na í pasa i təyı teu na í nukı seyəsuyu. ¹² Ma ta ha alv ke nəyə sı í seyəsı yaa í kpiliki apalv ke pvlvpu taa. Ama pə wee kék sı í su. ¹³ Pə taya pulv, Atam ke pə caaləna ȳmaŋ, pə waali kék pə ȳma Ifa. ¹⁴ Pə taya Atam ke pə puγusa. Ama alv ke pə puγusa na í kisi Isə nəyə taa nyəntv ke nunav. ¹⁵ Ye pa təŋ pa taa na Isə na pá səələyı yəlaa na pa yaasi máyá Isə, na paa laki isəcav na pá təka mprúyv tam, ilə piu ya pa nyooŋ na pa piya lvluyu taa.

3

Isə yəlaa kpekəle səsaa kpav

1 Tōm nti tē kē tampana nyəntu tēkelekele tōyōle sī, ye yolv caa í la Isō yəlāa kpekəle səsə pē kē tēmle kūpante kē. **2** Wei i kinj pa kaa na kawaliya nakəlī tō inī i kā tōyōna Isō tēsēelē səsəontu. Na alu kulum ke pūntu inī i kā wēena. I kā kpaakī i tēyī paa mpi pē taa, na í wēe ləmayaſee tu na wei i nyəmā pē tēna pē tayanyu kē teu tō. I kā wēe wei i nyəmā muvullē lapu tō, na i pəsəyī səyəsuyu. **3** I kaa wēe svlunyōolū yaa muvunj tu. Ama i kā wēe tēpamm kē, na í wēna yəllē. I kaa wēe pōyōlaya nyənlū. **4** I kā wēe wei i paasaa na í pəsa i tēyaya kē teu teu, na í məyṇa i piya kē i nəəhēe tēe na sī nūkəna-i na sī nyājna-i teu tō. **5** Mpi tō, ye yolv ta pəsi i mayamaya i tēyaya, isənaya i kā pəsi na í paasəna Isō səelaa kpekəle? **6** Ye pūntu kē Isō səelū kūfalu pē kaa la. Pē taya pūlu, i kā kōo kē na í saŋ i ti na i tōm nana səpu isin Iləyən nyəntu ka lapu tō. **7** I kā wēe wei i kūpantu ma ta nyi isənnaa mayamaya sama tō, pēcō pē taa kōo na pá footiyi-i, na í kōo í nana Iləyən nyəpətū taa kē tiiu.

Yesu səelaa kpekəle taa tēma lataa

8 Mpa mpa pa laki tēma kē Yesu səelaa kpeka taa tō paa wēena yaasi kūpaŋ ke mpv tōtōyō. Pa kaa wēe ataa na a waalī nyāma, pa kaa wēe svlunyōolaa, yaa mpa pa muylifi sī pá hiki liyitee tō. **9** Paa wēe mpa pa tēyəyēna laakalī kūpaŋ ke Isōsēelē mpaav tampana nna a tōo Isō kulaa tō. **10** Pá mayasi-wē na pēcō, ye pa ta na isayatiya nakələyī pa kinj ilē pa svu Yesu səelaa kpekəle tēmle lapu taa. **11** Pa alaa tōtō kā wēena yaasi kūpaŋ, pa kaa cakəna yəlāa. Paa kpaakī pa tī na pá wēe kūpama kē pē tēna pē taa. **12** Wei i laki Yesu səelaa kpekəle tēmle tō i kā wēena alu kulum kē, na i kā wēe wei i paasaa na í pəsa i piya na i tēyaya

ke teu teu tə. ¹³ Yesu səelaa kpekəle təmle lataa mpa pa lapa pa təma ke teu tə, pa nyəəŋ kvləyɪ ké. Nə pa pəsəyɪ na pá yəyətì tá na Yesu Kilisiti tá kprentvŋ lapa na tə we Isə səeu mپi pə taa tə pə təm na paa nyəŋna pulu.

Səsəəntv nti pə ŋmesaa tə

¹⁴ Ma ŋmaaki-ŋ takəlaya kanə na má təeləyɪ ké sɪ maa kəə nəənəə na má na-ŋ. ¹⁵ Ama ye pə kəma na n ta nu ma tanj, ilə takəlaya kanə kaa kəesəna-ŋ yaasinaa mpa n ka təki Isə səelaa kpekə taa tə. Weesuyu Isə səelaa mpa pa ké kite nte tə təə tampana səŋaa na pə təka-yeyə teu təkpa təyə ma təŋ. ¹⁶ Ama tampana təə isəntə tá Isəsəelə mpaav təm kүŋmesətə wə piti ké teu ké, yəlv u pəsəyɪ na í kpreesi təle.

I kəma tə yəlvwəetə ke i wəna.

Feesuyu ná hvləna sɪ i ké tampana təyəlv.

Isətaa tillaa mayamaya ná na-.

I waasv ke pa lapa kateŋəsi təna taa.

Pa mv i təm ke antulinya təna taa.

Pə kpaasa-i na í svv i teeli taa.

4

Seyesəlaa pəpətvnnaa

¹ Isə Feesuyu yəyətəyɪ mprýŋú təceicəi sɪ, pu kəə na pə tala kantəkaya kүyəenj taa tə, yələaa ləlaa ká lu Isə səeu na pá paasəna iləyəhilu təma kүruŋusəe, na aləyaa kүsəyəsətə ke paa mv. ² Na paa yele na yələaa cəsəlaa na pəpətvnnaa mpa pa ləmayasəe taa səpa isəni pa tula-yeyə kəkə na paa tasəyɪ kүpantu natələyɪ cəkənaav tə pəle pa tolisi-wə. ³ Yələaa panewə, pa səyəsəyəna sɪ alu kpayəv fəi teu, na təyənəsi lənsənaa

təyən fəi teu. Anı Isə ná lapa kvtəyən iñəyí sí Isə seelaa nyəmá tampana tə pá səe Isə na pá təyə. ⁴Pə təna mpi Isə lapa tə pə tewaya, pə taa pvlv fəi ləv. Ama pə wəe sí pá təyə pə təna ké na pá səe Isə ké í na təmle ke pə təo. ⁵Pə taya pvlv təo, Isə Təm na i sələmuyu tayənəyi pə tənaya na pə wəe-i teu.

Kilisiti təmle tu kypaŋ

⁶ Ye n wəe na n̄ seyəsəyi tá taapalaa ke təmnaa panə, n təj na n̄ lá Yesu Kilisiti təmle tu kypaŋ ké. Na pū hólí sí Isəsele mpaav təmnaa na tampana seyəsəy wei n təjaa təyə n püsəyəna nyá ləsaya. ⁷Kisi səsaa taa kpai kpai təmnaa mpe, tu laki na yvlv te i taa na Isə se. Faləsəyi nyá tí sí n̄ səesi Isə ké nyəənən ke teu. ⁸Yvlv faləsuyu i tənuyu tə pə waasəyi te, ilə pə waasuyu ta təo ké. Ama ye yvlv faləsa i tí sí n̄ nyəənə Isə ké teu, ilə pəle pə kələna waasuyu ke paa mpi pə taa. Pə taya pvlv təo, inu i təmna sú i ká ha-tuyu weesinj ke saŋa na cele tətə. ⁹Təm ntı tə ké tampana nyəəntu ké təkelekele, na tə məna pá mə-tí təkpem na pá te-tí na taa. ¹⁰Mpi pə təo tá wəe na té təjna təmle lapu na té luki təyələ. Pə taya pvlv təo, weesuyu tu Isə wei i yakı yələaa təna nyəən̄ iləna pə tu kələna mpa pa təjri i na pa taa təyə tá təeləyi.

¹¹Hólí-wə sí pá laki pə təna isəntə na n̄ seyəsəyi-wə. ¹²Taa yele na nəyəlv kpeəna-ŋ sí n ké pəyaya. Ama wəe wei Isə seelaa lelaa ká kəesəyəna na pá laki təyə nyá yəyətaya taa, na nyá təntə na nyá səəluyu ke lelaa taa, na isəna n təmna Isə ké nyá taa na nyá tənaŋŋ wəetü pə taa. ¹³Kaləyi Isə Təm takəlası ke yələaa taa na n̄ laki waasu na n̄ seyəsəyi pə həwəe na má kəŋ. ¹⁴Taa liyilina mpi Isə Feesuyu yelaa na pə lapu saa-ŋ tə, mpi paa nawə na pá yəyəti na Isə təsəelesəsaa

təni nyá təo ké niŋ tə. **15** Paasəna teu na n̄ la təmle təne na n̄ yoosi-te. Há nyá təyi tə taa təkpataa na pa təna pá na isəna n̄ təŋna toŋ nyəeu tə. **16** Feniyi nyá ti na nyá kusəyəsətu təo tətə. Təki pə tənaya m̄púyú teu. Təm tampana təo, ye n̄ laku mpu, n̄ ká ya nyá ti nyuyu na nyá nūntaa nyəŋ tətə.

5

Isəna Timotee ká laki Isə seelaa tə

1 Taa kaləyəna kuskpatəlaa, ama yəyətəna-wə isu n̄ ka yəyətəna nyá caa tə. Ye ifepiya ilə təekí pəle isu nyá teetvnaa. **2** La alaa səsaa isu nyá toonaa. Na n̄ la alaa səkpema isu nyá teetvnaa tətə, na n̄ lá laakalı na tətelakasi.

3 Paasəna leelaa səsaa ke teu. **4** Ama leelu wei i wəna piya yaa saalənaa tə, pə wəe si səle si kpeləməna si nyáma ke təkuyu na pə hólí si m̄púyú pə wə pa Isəsele mpaav taa. Na pi hólí tətə si pa caanaa na pa cəsənaa ka wuwa mpe pa təo ilə kuspantu ntəyi mpe pa leetəyi pa nyáma. Pə taya pəlv, mpu inı pə lapu we Isə ké teu ké. **5** Ama leelu wei i kpatəlaa na i feina paasənlv tə Isə ké ilé i təeləyi. Na i sələməyi-i tam, na i wiikina-i na isəle kusəemle si i temi-i. **6** Ama leelu wei i wəna təkpaałətu tə, paa i wəna i isə tə i səpaya na i cayaa. **7** Nti tə wəe si n̄ ká təəsi-wə təyəle yoo, ilə pa kaa na isayatv natələyi pa kinj. **8** Ylvu wei i paasəyəna i luvuyu nyáma na pə tu kələna i mayamaya i təyaya tə pəntv kisa Isə seeu ké, na ma ta nyi Isə lapa-i na sana.

9 Leelu wei i luvuyu pusi təe nūtoso tə i tike i hətə ke n̄ ká tu leelaa həla taa. Ama i ká wəe wei i layana apalv kvlvum ke hatuu i kvlvuyu təyə. **10** Na pá nyəma-i na təma kuspana isu i piya təkuyu na muvlaa təkuyu na

Isə yəlaa nəəhəe kəv na kuyuontəyəlaa sənaav na təma kuypana təna lapu.

11 Pə kpayañ leelaa səkpema tə, taa ŋmaa pa həla ke takəlaya taa. Pə taya pəlv təo, pa kuyuñləj kəñ i kpa pa nyəəñ taa tə pə tuγi-wəye saav ké. Na mpv tə, pa haa Kilisiti kəle siyile, **12** ləna pə pəsəy়i-wəye tasəkəle nyéma. Mpi tə, pa ta təki nəyə ŋka paa suwa kancaalaya tə. **13** Na təle tə paasi paa cəəki təesi taa ké na felentu canj na té təeləna-wə təkpətu. Na kükələtən nté si pa laki yəyətəlaa ké na katayasətunaa, na pá faaki təmnaa ke yem. **14** Pə təo ké ma caa si leelaa səkpema i saa, na pá ləlv piya na pá paasəna pa təesi. Pəle ləe tā kolontunaa kaa hikina timpi paa footiyi-tu tə. **15** Pə taya pəlv təo, leelaa ləlaa təma mpaav kuypanku ke siyile hav, na pá svv Satanı ke təñvən. **16** Ama ye isə seelə wei i ləlvən taa wə leelaa, pəntu ká mu Yesu seelaa kpekəle ke səyəla ké na i səñna i leelaa, ləna pə heti Yesu seelaa kpekəle na pəle pá səñna mpa pa ké leelaa təkpem tə.

**PIIPILI CSILCTM TAKELAYA
Portions of the Holy Bible in the Lokpa language of
Benin**

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 11 Nov 2022 from source files
dated 9 Oct 2020

ef14191a-91f7-51c1-ac89-7b93dd7c4377